



Sakspapir

Sakshandsamar	Arkiv	ArkivsakID
Charlotte Vik	FE-026, FA-C50	19/597

Saksnr	Utval	Type	Dato
070/21	Formannskapet	PS	07.09.2021
060/21	Kommunestyret	PS	16.09.2021

Kulturverntenesta i Nordhordland Museumssamarbeidet

Vedlegg:
Kontrakt MUSEUMSSARBEID I NORDHORDLAND

Saksutgreiing:

Oppsummering av saka: Kommunestyret ønskjer å vurdere om Fedje kommune skal halde fram i samarbeidet om felles kulturvernteneste i Nordhordland.

Saksopplysningar

I kommunestyret sitt budsjettvedtak for 2020 (K- 097/19) vart det vedteke følgjande:

Bygdekino = 30 000kr.

Finansiering er å redusere overføring frå drift til investering.

Formannskapet ber administrasjonen vurdere å seie opp avtalen med kulturvernssenteret, og heller nytte midlane til konsulenttenester ved behov.

Samrøystes vedteke.

Bygdekinoen hadde ikkje mogelegheit eller ønskje til å komme til Fedje inntil vidare, slik at utgifta på 30 000 ikkje vart aktuell. Administrasjonen har likevel i det følgjande gjort ei vurdering når det gjeld avtalen med Kulturvernssenteret i Nordhordland.

Kulturverntenesta i Nordhordland (KIN) er oppretta som ei oppfølging av Museumsplan for Hordaland og er ei eiga avdeling i det konsoliderte Museumssenteret i Hordaland (MuHo). Fedje har betalt for å vere medlem sidan 2007. Regionrådet i Nordhordland arbeidde då fram ei samarbeidsavtale mellom kommunane Austrheim, Fedje, Lindås, Masfjorden, Meland, Modalen og Radøy, Museumssenteret i Hordaland og Hordaland fylkeskommune.

Avtala gjaldt ei rådgjevande teneste innan kulturvern, og ei effektiv fellesløyising for å dekke behovet for denne typen kompetanse i kommunane. I tillegg oppretta Hordaland fylkeskommune ei regional stilling som bygningsvernkonsulent ved Museumssenteret. Begge desse rådgjevarane er tilgjengelege



Fedje kommune

for private, lag og organisasjonar og forvaltninga i kommunane som er omfatta av avtalen.

Den summen kommunane betalar til Museumssenteret utgjer ei delfinansiering, der Hordaland fylkeskommune (Vestland) og Museumssenteret i Hordaland har restfinansieringa av 2 stillingar, noko som sikrar frie tenester for brukarane, både private og kommunane.

I 2007 betalte me 12 860 for å vere med i samarbeidet. Summen vart frå 2011 indeksregulert og me betalte i 2020 per i dag 23 196 kroner no for å vere med i dette samarbeidet.

Fedje kommune har sidan 2006 ikkje nytta dette tilbodet mykje. For ein del år sidan vart KIN nytta ein del i samband med arbeid med Hellisøy fyr. I nyare tid nytta kommunen det i 2021 når me trengte råd for prosedyre for korleis kommunen skulle behandle førespurnadar om gamle gjenstandar.

23.juni 2021 vart dei invitert til Fedje for å fortelje representant frå politikar, administrasjon og arbeidsgruppa i handlingsplan i kulturminneplan kva tenester dei kunne tilby.

Dei sa dei vart mykje nytta til spørsmål om bygningsvern og restaurering. Dette var mellom anna mykje nytta i Alver.

Vidare kan dei verte nytta til spørsmål om dokumentasjon, forvaltning eller formidling av kulturhistorie, kulturminne, eller samlingar.

Dei kan gje hjelp til prosjektsøknadar innan desse felta. Til dømes stønader til utstyr, men det er vanleg at ein ikkje får midlar til drift.

Kulturverntenesta tilbyr også, i samarbeide med KulturIT, avtale om og tilgang til

katalogiseringsprogrammet Primus, samt rettleiing kring registrering av samlingar. Dette kan til dømes vere relevant for historielaget si samling.



Fedje kommune

Dei kan også tilby bistand for å innfri måla i kulturminneplanar, noko som er relevant for Fedje kommune no når me har vedtatt handlingsplan i kulturminneplan. Nokre av dei prosjekta som skal gjennomførast der kan vere aktuelle for prosjektstønader (prosjekt om jernbane, bok om båtar, prosjekt om kystkultur) , og KIN ønskja å vere med å arbeide med å gjennomføre handlingsplan i kulturminneplan.

Skal me seie opp avtalen om KIN, må dette gjerast innan medio september og det er 15 månadar oppseiingstid. Oppseiing innan 01.10.21 vil difor ikkje gjelde før frå 01.01.2023.

Vurdering

Det kom fram i møte 23.juni at så lenge KIN vart aktivt nytta av kommune, organisasjonar og privatpersonar, er dette ein nyttig teneste. Dersom den vert nytta vil det også vere rimelegare enn å nytte seg av konsulenttenester.

Om tenesta skal verta nytta, må det meir informasjon om tenesta ut til innbyggjarar, organisasjonar og kommunen. Det har kulturvernssenteret ikkje vore aktive med hittil, men møtet i juni kan vere ein start på det. Det er og ein fordel med eit aktivt historielag.

Rådmannen vurderer det slik at me truleg vil få meir bruk for denne tenesta framover, sidan me no har ein vedteke kulturminneplan, og KIN har uttrykt ønskje om å vere med å gjennomføre prosjekta i handlingsplanen. Me føreslår difor å ikkje seie opp samarbeidsavtalen i år. Me vil også leggje ut informasjon på heimesidene til innbyggjare.

Økonomi – per i dag 23 196 kr i året. Kan sjå ut som eit lite beløp. Men det er relativt mykje på eit stramt kulturbudsjett.

Konklusjon

Fedje kommune seier ikkje opp avtalen om KIN no, når me har fått konkrete eksempler på kva dei kan hjelpe med, og dei ønskjer å bistå i arbeidet til historielag og arbeidsgruppe i handlingsplan til kulturminneplan.

Forslag til vedtak:

Fedje kommune vidarefører avtalen om rådgjevande museum om Kulturvernssenteret i Hordaland no.



Fedje kommune

Formannskapet - 070/21

F - behandling:

F - vedtak:

Fedje kommune vidarefører avtalen om rådgjevande museum med Kulturvernssenteret i Hordaland no.

Samrøystes vedteke.